


SIAPALO SA BUBELI SESIFILWE

 Ne ni inzi fela mwahali ni mulisana. Se nili . . . Ne ni mu kupile maabani kuli ani bize. Mi Na to fumana kuli, Na feela . . . Musihali kaufela, nekusina lipizo, mi Na hupula kuli, “Kihande, ha ni zibi ze fosahalile? Sesiñwi ki . . . Lika kaufela lina ni kozo.” Mi kasamulaho nyana, Kezeli Wood ataha ni libunda la lipizo. Luwaile lwa ka ne lu timile, kacwalo, haiba kuna ni yomuñwi wa mina ya na lumile luwaile. Luwaile se lu to lila, kono ne lu sa utwahali mwani, kacwalo butata nebula fa kunupo ya kwatasi fa kutukiseza. Ne ba ilukisize ka eiti kiloko maabani busihu, kamba mane mwendi ka kuitahanela nyana, mi, luwaile, lipizo litaha ka kuselehana taha cwale.

2 Lu tabile fa kuba mwa sebelezo kakusasana cwana. Ni na ni sihotolwa sesi maswe, Ni banga ni sona nako kaufela ha Ni tile kwa hae. Kuzamaya mwa litwa ku cikimana kufita mwa teka, ni kulobala fande busihu. Musike mwa nahana zeo ka kushutana ni kwanu, kono kusila fela lilundu lani ki New Albany, kona fela ze mu na ni kueza, fakuli mukene mwa musindi wo, kona kuli Ni lukela kuba ni sifuba. Mi yeo kikuli . . . Ha ni zibi, kuna ni nto yeñwi ye liteni ona mwa musindi mo ye ubisa kuba mwatasi. Mi u mwatasi hahulu, mi fela ha u lu melemeni ni hande neba hanyinyani.

3 Cwale, lu tabile fa kuba mwa keleke, sina ha Ni bulezi, ni ka kuutwa mulisana wa luna yomunde yomunde ha fa linzwi la hae la ku lukupela kwateni, ni ku Mulena Jesu. Mi—mi ka kuutwa, ki nto yeutwisa butuku kuutwa babañata kuli ba kulile ni kutokwa, ni ka mo diabulosi a totobelize mañi ni mañi ka matuku.

4 Mi kalibe yomunyinyani ananuha ka kezela hae kwa mulaho kwani, mi Na ziba Kezeli Sauer kulo kwani hamoho ni yena. Dokota na mu lumile kuli aye kwa hae cwale. Mi u sa lumela kuli uka foliswa. Mi u mwa butata luli, ki buino bo bu maswe luli. Makwenyana ka babasali, ki nto yeswana, seli myaha ye sebente ya kupepwa cwale. Ba mwa butata bobutuna luli. Mi kaniti ku na ni matuku amañata mwa naha ye. Mi hape kuna ni Moya o Kenile mwa naha, mwabona, o folisa matuku a luna, haiba lukona fela kufumana sishemo ku Yena.

5 Mi cwale, ka kuba kuli mumizo waka una ni litombo, isiñi litombo, kono u omile. Mi ha Nina kulika kukutaza, kono ki ku bulela fela ku mina fa nako nyana mwa Linzwi, mi kona lu ka kena mwa kulapelela bakuli, zeo Ni sepisize kueza. Kono ni si ka eza fela kale se, Ni tabela ku zibisa mikopano yemiñwi hape. Na . . .

6 Mwa lisebelezo za ka Ni bile ni mukwa wa ku lwanisa . . . isiñi ku lwanisa, kono ki ku sa utwisisa nyana fela. Mi linako zeñata,

Hani—Hani sana lisila kwa sebelezo yaka, sina—sina buñata bwa mizwale babañwi mwa simu mo ba ezelize, ze cwale ka za silimba ni mazimumwangala, ni mapampili a lipiho ni zeñwi cwalo. Mi ka kueza cwalo, kiñi, mutu ha kona kubulela kuli, “Muzwale Branham una ni kuba kwanu.” Cwale Ni zibahalisizwe mwa libaka zetalu ka sunda ye, kacenu feela, libaka zetalu zeshutana. Ulimuñwi kwani kwa Kentucky, yemibeli mwa California, ye Ni ziba. Mi kuna ni ze mukona kueza ka zona, kakuli ha Nina mutu muyemeli kwani, kona kuli iba nto yetata luli.

⁷ Mi, eehe, haiba kuna ni mutu yazwa kwa Madisonville, Kentucky, kwanu. Ne ni zibisizwe kuba kwani sunda yefelile, mi hakuna sene Ni ziba ka zona. Mi ha Ni taha kwandu, mi—mi ne ba li zibisize; mi muzwale ya na li ezize, wa libizo la Epply. Kamba, Ni lumela kuli lani neli libizo la hae. Ka tumelo yende kaufela, na ezize cwalo. Na ni bizize ni ku ni kupa haiba ne lu ka shetumuka kwa—kwa kuba mbuyoti ni ku amuhela mbuyoti kwa sicaba sa hae. Mi a biza. Na mu bulelela kuli a buze Muzwale Moore. Kihande, mi, Ne ni na ni kufunduka. Na mu bulelela kuli Ne ni na ni kufunduka ka zazi leliswana. Kihande, Muzwale Moore na palezwi kutuhela kuli mutu a zibe. Mi cwale, kamba kuli na ni zibe, kamba kutuhela kuli musala ka a zibe. Kacwalo Ne nili kwa Idaho, mi na kuta fela, mi mane ni mukopano wa ba teñi.

⁸ Kacwalo, mi kacwalo Na bona, ka yona nako yani, haikoni ku lukisa lika mwa Louisiana kwa lika ze sweli kuezahala kwanu. Kacwalo, Na nga fela litukiso na kasibili, kuli ni be ni buitukiso bwaka ka mikopano, kufitela mikopano yaka iba. . . Na ba fela wa. . . Oh, Ha ni zibi, Ni sepa kuli buipuleli kinto yende kwa moyo. Nji ha mu boni cwalo? Ni bile fela ya buzwa ka lika ze. Ni kutuhela fela mutu ufi kaufela, kai kaufela, ka kuakaleza fela kihona. Mi Ni fumana kuli, ha li tusi. Kasamulaho wa nako yetelele, mu beya. . . Muna ni kuba ni mulao ku zona. Mi cwale Ni lika kueza litukiso.

⁹ Mi Ni—mi Ni ka bona musala Bo. Arnold. Ni. . . Kuna ni muuna kwanu mwa Louisville yabile yomunde hahulu, hane Ni na ni mikopano kwanu, mi libizo la hae ki Muzwale Burgum. Mi na bata kuba ni—ni busihu kamba amabeli, a sebelezo. Ni ka mubona Teddy wa hae yomunyinyani, Na lumela, Teddy Arnold. Ka nako yeñwi biki ye.

¹⁰ Mi cwale kutaha la Pelekelo ni la Sunda, haiba Ni kona, haiba Mulena alata, Ni bata kuba kwa Madisonville. Nebana ni bakutazi ba twenti-faifi, baba mashumi amalalu kwani. Kaufela bona inge bainzi fani, kuli babañwi. . . Yeñwi neli sikisi, limaili ze sebene handeleti. Kihande, hakuna yaliteni kwani, kacwalo nekusina kwani, mi ha ki mulatu waka, kono Na fela. . . kono ka ku sa utwana fela, kamba ku itoboha ku mu biza. Mi Ni ka lika kuba kwani biki yetaha haifela, haiba Mulena a lata.

11 Mi, la bufaifi kuisa la busikisi, Na mwa Brooklyn, New York. Mi cwale kuzwa fani, ka la fotini, fifitini, ni sikisitini, mwa Parkesburg, West Virginia. Na eza fela litukiso zepeli busihu maabani ni kakusasana woo. Cwale, Charlotte, South Carolina, iteni fa libaka ze ka potelwa, kono ha Ni zibi. Mi, mazazi a pumulo atatama.

12 Mi lu ya kwa Likamba la Wiko, ili zeo ba bata kulukisa mukopano mwa muyaho o—o omutuna. Cwale, ye ki—ki mikopano yenyinyani sina mwa likolo zepahami ni lika ze cwalo. Ulimuñwi kwani kwa Likamba la Wiko, u kaba ni kuba mwa—mwa mukopano wa mileneñi yemibeli, Oakland ni San Francisco.

13 Mi cwale lindumeleti ba mwa Phoenix, ka kuba kuli Muzwale Roberts hakoni kuba kwani mwaha woo, Ni lukela kunga sibaka sa hae kwa Phoenix, mwani mwa—mwa sibaka sa mukopano wa kwa Maricopa. Ao ki mata a tamahano.

14 Mi mu ni lapelele kakuli Na—Na tokwa cwalo. Mi Ni lemuha kuli nako ifi kaufela tumelo ha i kona ku i kotolola, diabulosi uka sikulula tobolo kaufela yeliteni mwa lihele ni kuinongisa ona fani, sina cwalo, mwa bona, kacwalo iba nto yetata luli.

15 Kacwalo, kakusasana cwana, ki ku lapelela bakuli. Ni bata kubala amañwi a Linzwi la Mulimu la Kuyakuile, ni kubulela fela ka mizuzu yelikani kuzwa mwa Mañolo, mi kona lu kaba ni tapelo ya bakuli. Oh, mo Ni latela kuambola za Hae! Mina bo? Ni lata fela kubulelanga za Hae.

16 Cwale Ni bata kubala mwa Bibebe, Malena Babubeli kauhanyo ya 2, timana ya 12, siemba sa yona.

Mi Elia abona se si ezwa, ki. . . ha huwa ali, Ndate, ndate, likoloi za Isilaele, ni bapahami ba zona.

17 Mi cwale ka mukwa wa—wa palo, kamba tuto, Ni bata kubulela fa tabe yeli: *Siapalo Sa Bubeli Sesifilwe*. Kacwalo Mulena a ekeze limbuyoti za Hae hanze lu ambola ku mina kakusasana cwana. Mi mube mwa tapelo ka luna.

18 Ka yona nako ye ya puso ya Isilaele mwa naha. Isilaele nali naha, mi neli naha ye mata, mi neli nako ya kozo mwahala siemba sa busole. Kono mwa—mwa siemba sa moya sa yona, neli mufuta wa—wa nako ya—ya malikanyiso. Mi haiba lu talima kwa mulaho mwa Testamente ya Kale, lu kona kufumana mitala ya ze ezahala kacenu. Kamita, mwa Bibebe, lika ze liteni cwale, ki miluti fela ya ze neli kwa simuluhu.

19 Cwale, Buka ya Genese itisa lika kaufela ze li mwa lifasi kacenu. Hakuna sika mwa lifasi kwanda se ne si liteni ka ku kalela mwa Genese, kakuli ki yona makalelo. Teñi mwani, kona mo ne ku kalezi mulao kaufela. Mwa Genese, ne ku kalezi lika kaufela ze kile za kala. Ni Keleke ya niti ikalezi mwa Genese.

Ni mulumeli wa buhata ukalezi mwa Genese. Ni ku sa tokomela lika ku kalezi mwa Genese. Genese neli makalelo.

²⁰ Mi cwale ka nako ya puso ya Elia, kamba ka musipili wa Elia fa lifasi fa, yanali mupolofita wa Mulimu wa hola yateni.

²¹ Mi Mulimu Ha si ka zwa kale mwa lifasi kusina kuba ni paki. Mulimu kamita, kokuñwi, sibaka sesiñwi, nana ni mutu ya Na kona kubeya mazoho a Hae ku yena kuli a yeme ka kuba paki. Kacwalo haiba U ezize cwalo, kuzwa kwa Genese, makalelo, luli, kokuñwi, Mulimu una ni mutu yo Akona kubeya lizoho la Hae cwale. Kakuli Yena—Yena una ni batu babañata cwale, Una ni baana babañata bao Akona kubeya lizoho la Hae ku bona, kakuli lu taha kwa—kwa nako ya kukopana, nako ya kutulo.

²² Genese neli kucaliwa kwa peu, mi myaha ye likiti ze silezi ye ibile kuhula kwa kutulo. Mi cwale peu se ibile peu yona kasibili. Ikutezi kwa palisa, mi kuzwa mwa palisa kutaha mwa—kwa muselo. Mi seli nako ya kukopana cwale, nako ya kutulo, lika zetuna kaufela ze ne kalile. Keleke ya niti yene kalezi mwa Genese itile fa muselo wa nako, muselo wa Moya. Mi antikreste ye na kalezi mwa Genese itile kwa muselo wa yona. Mi lu mwa nako ya kukwala kwa kalulo ya lifasi le kaufela, ki. . . ya mubili wa nama. Mi luna. . . Ki nako yetuna hahulu yeo mutu kaufela, kamba ufi kaufela mwa lusika lufi kaufela, yakile apila, ona nako yee luli. Ki nako ye sabisa. Ki nako ya ñalelwa kwa baezalibi, kono ki nako yende kwa Bakreste, kakuli lu ziba kuli lwa—lwa itukisa, kamba ku kopanya misebezi ya mafelelezo hamoho, kuya kwa Hae ni ku kopana ni Mulena.

²³ Cwale sicaba, kacenu, hamunze mutalima cwalo ni kubona butata bo butuna ni ñalelwa ye talimani ni naha, koo. . . Masihu nyana afitile, Ne ni sweli kuambola ni yomuñwi, neli alimuñwi wa bona kwanu ba ba tokomela linako, mi se bali, “Muzwale Branham, ne lu la ezwi fela ka muuso kuli kusike kwa lemuswa mutu ni yomukana kuli aine fafasi. . . kwahule ni lihaulo bukaufi ni bulilo, haiba ndalamiti ilila, kamba hakuna neba kukena mwa malibela, kakuli ona ndalamiti yenca ye bakona ku zamaisa fa silimba kuzwa kwa Moscow kuisa kwa mukwakwa obizwa Fourth Street mwa Louisville, ni ku kena hande mwa mukwakwa, ku kunupa mwahalimu, ina ni kuba- . . . lika ku yona, lindalamiti, ni kunga *zeñata hahulu* ka likitikiti, likitikiti *zeñata hahulu*, ku zamaiswa ka linaledi ni masulungundu, ni ku kena handende mwa mukwakwa obizwa Fourth Street Louisville, kuzwa kwa Moscow, Russia, mi ha ne i ka nata mwani, kusina ku itusisa fulai kamba sika kaufela, ki kufufa fela kuzwa *fa*, mi ika tulukela handende ona *foo*, mi ika pancisa ni kukata musima mwa mubu, mwa sibaka, butungi bo bulikana handeleti ni sebente-faifi liñokolwa ka limaili ze likanelela ka liñokolwa ze fifitini kwa maneku kaufela ko iya, limaili ze fifitini ka kulikanelela.” Hakuna sika sa kueza kono ki

kuitukisa ku pahama ka mihato yepahami, kiona nto inosi fela ya kueza linako zeo ha li tile.

²⁴ Munahane fela, bakona ku kunupa mashumi aketalizoho a zona, kamba mwanda wa yona, ka nako iliñwi, haiba ne ba ka bata cwalo. Kaufela li ka fela, mwahala sibaka sa... Ni lumela kuli ki mizuzu ye mashumi a silezi kamba a eite, kamba nto yeñwi, kamba mizuzunyana—mizuzunyana, nitaluse, kuzwa kwani kutaha kwanu, kuisa kwa sinyeho yetezi ya sibaka kaufela zekona kunga sibaka. Nekusike kwaba sika sene si ka siyala mwahala Louisville ni Henryville, ni mwahala Louisville ni—ni Bardstown, kamba mwatasi mwani, kono musima ulimuñwi mwa mubu ni sishañata sa maluli ali mwateni. Kona fela zekona kusiya kihona, kwahule ni libaka ko ne li kaya, ni kucisa ka kutuka ka limaili ni limaili zefitelela foo. Mi ka nako yeo iliñwi ha i wela fani, yeñwi ika wela fani kusili, ku yo kopana ni yona.

²⁵ Ni tabile hahulu kuli luna ni Masabelo. “Libizo la Mulena ki Tawala yetiile, yalukile umatela Teñi mi uba ni buiketo.” Hakuna taba kamba ki ma bomba amakai kamba ki zekai kaufela kwanda zeo... Lu iketile Mwani. Kacwalo, lifasi ni muezalibi, kusina kuba ni Masabelo aa, kamba Sibaka sa masabelo se, ki nako ye sabisa. Na lumela, kambe Ne ni si Mukreste, Ne ni takana fela, ka ku nahana ze ne ka ezahala ka nako kaufela. Mi ni ndu ye tezi banana babanyinyani, ni lika kaufela, Hani koni kuziba sa kueza. Kono Ni tabile hahulu kuli Ni kona kuyema mwa ndu yaka ni kuzibahalisa ku bona Masabelo a o bomba haikoni kuswala, kamba nto isili fela, mwatasa Mafufa a silelezo ya Mulena Jesu. “Ha ki ka mata, ha ki ka bundume, kono ka Moya wa Ka,” kubulela Mulena. Mwabona? Yani kona silelezo yaluna.

²⁶ Mi ha ki nako kwa butuna ni yeo, ye kanya mane, kuziba kuli sibi kaufela ni kuikataza ni miliko ya bupilo li ka fela. Li ka fela leliñwi la mazazi aa, mi lu ka ya kwa Hae ku yo ba ni Mulena. Cwale, ze siyezi ki nako ya ku kutaza Evangeli ni kutisa Tawala tuna ye ka buñata, ka buñata bwa ze lukona kuba ni zona.

²⁷ Mi he, sina ha lu bona mukwa wa tuto yaluna kacenu, ya Elia, ka nako ya puso ya hae, yena... kamba, buzamai bwa hae fa lifasi, kupalañi, nali muuna yomutuna, yamata. Mulimu na itusisa yena mwa mikwa ye mata, ka mata amatuna. Mi lu fumana kuli ka yona nako ye, neku na ni sikwata sa balikanyisi bene balika kulikanyisa Elia, bene ba lika kueza lika zeswana za na eza Elia.

²⁸ Mi kacwalo lu fumana nto yeswana ni kacenu; malikanyiso a Bukreste, batu baba lika kueza sina Bakreste, baba lika kuikeza ilibona kuba Bakreste. Hamukoni kueza cwalo. Mulimu una ni kueza cwalo. Ki yena fela Anosi Ya kona kueza zeo.

²⁹ Kacwalo ba eza sikolo, ni ku si biza kuli, “ki sikolo sa bapolofita.” Mi kaufela bona ba ya kwa sikolo sa bapolofita,

mi baba luta. Mi Na kona ku nahaniseza bakutazi bani kaufela kwani, inge ba apezi koti yeswana yana tinanga Elia. Na kona ku nahana kulika ku mu likanyisa ka linzwi la hae, mwa na bulelela. Mi—mi mwa na iponahaliseza ili yena, mañi ni mañi na lika kueza nto yeswana, kakuli Elia neli muuna yomutuna ya na itusiswa ki Mulimu.

³⁰ Mi lufumana taba yeswana kacenu. Ne ni sweli kuteeleza fa silimba, ha ki kale hahulu. Bana ni bo Billy Graham mwaha naha ye kaufela, kuzwa ka nako yani Billy ha nali mwa Louisville. Mañi ni mañi na lika kulikanyisa nto yeswana, neba mukamunelo wa milili neli ka mukwa oswana, ni—ni kutina lika zeswana, ni linzwi la mufuta o swana, ni zeñwi cwalo. Kono haukoni kueza cwalo. U lukela fela kuba yo uli yena ni seo Mulimu akubupile kuba sona. Yeo kona niti. Mi kacwalo lu fumana kuli, mwendi, mwa mazazi ani nto yeswana ya ezahala.

³¹ Cwale, Mulimu, ka kubona, ka kubonela kwapili kwa mazazi a Elia ani na balilwe, kuli nana ni nako yetelele hahulu kuli aine fa lifasi fa, sina mutu kaufela mwa na inezi. Kacwalo, Na lukela kuba ni mubakweli wa kuyola Elia. Mi ha Na ezize cwalo, Mulimu abiza muuna yo. Ya na si yo neba mwa mukopano wa za bulapeli nako Ya mu biza. Na sweli ku kekela mwa simu, ni coko ya lipulu, inza sweli kusebeza, kamba ku babalela bomahe ni ndatahe. Mi Mulimu a mu biza kuli ayole Elisha, kamba Elia.

³² Mwendi babañata kwa sikolo ne ba hupula kuli ne ba ziba kuli ne ba ka kaba bona baba mu yola, ne ba ka apala kubo ya hae kapili fela nako ya na ka feza ni yona.

³³ Kono, Mulimu ki yena ya biza. Mulimu ki yena ya keta. Mulimu ki yena ya ketanga. Mulimu ki yena ya toma lika mwa sikuka. “Mulimu u beile mwa Keleke: babañwi, ki baapositola; babañwi, ki baplofitita; babañwi, ki baluti; babañwi, ki babuleli; ni balisana.” Mulimu u ezanga cwalo, yena Kasibili. Halukoni kueza mulili omuñwi kuba bunsu kamba busweu, kamba neba kuli luekeze nto iliñwi kwa butelele bwaluna kamba kuba ni muhupulo ulimuñwi. Mulimu, mwa sishemo sa Hae se si sa palelwi, mi ni ka kuketa kwa Hae ni kuziba kwa Hae kwa makalelo, ubeile lika ze ka swanelo, mi liwili kaufela lisebeza fela hande ka kuluka. Na lata cwalo.

³⁴ Ne ni kaba muuna ya zwafile, kakusasana cwana, kambe Ne ni sa lumeli mwa kukwetwa ni kubizwa kwa Mulimu. Ha Ne ni ka nahana kuli lifasi le ne li ka siyalela ku ze libelezwi zalona, ka mata a mutu, ni ka butali bwa mutu, ni ka “babatuna babane,” ni ba U.N., mi mane bao ki baba sa bizi Libizo la Mulimu, Ne ni kaba mutu ya zwafile. Kono ha Ni bati zeo ku ba ze libelezwi.

³⁵ Ni talima mwa makepe a Buka ya kale ye *mo*, fo Mulimu a I ñozi, mi ni lika kaufela li ka taha ona cwalo fela mwa Na li bulelezi, mi ku felile. Kacwalo, taba fela ye ni lukela kueza ha ki ku zamaelela ni bona, kono ki ku zamaelela ni Kalvari. Ku

zamaelela hande ni Mulimu, ku zamaelela hande ni Linzwi la Hae, ina mwa Linzwi la Hae. Hakuna taba kamba ibonahala cwani inge kuli *kona* mo ku ka bela; ikaba fela ka nzila ya lukisize Mulimu kuli kube cwalo. Haikoni kuba nto isili fela. Kakuli, Yena ka kuba ya sa feli, na ziba mafelelezo kuzwa kwa makalelo, mi U eza lika kaufela kutaha kwa tumbo ya Hae. Yeo ki niti.

³⁶ “Lika kaufela li ka beleka hamoho.” Lika kaufela li lukela kubupiwa hande mwa sibaka sa zona. Mawi! Haiba seo ha si fi bundume ku Mukreste! Hakuna se si kona ku fosahala. Hanili mane ha ki ndwa yaluna; ki ya Hae. Ha ki butlai bwa luna; ki bwa Hae. Taba fela yeluna ni kueza ki kubeya tumelo yaluna ni sepo mwani, ni kuina lu kuzize ni kubona kanya ya Mulimu, kubona mo Li zamaela mwa sibaka sa Lona, ni mawili kaufela a zamaya. Ikona ku hasana kuzwa neku leliñwi kuisa neku leliñwi, kono Lika zamaya kukena mwa sibaka sa Lona se si lukile foo Mulimu ha bulela Linzwi.

³⁷ Na zibile mafelelezo kuzwa kwa makalelo. Na ziba kuli na ka keta. Na ziba kuli Elisha na kanga sibaka sa Elia, mane lifasi li si ka eziwa kale. Lika kaufela lina ni kubeleka handende ka swanelo.

³⁸ Mi lwa bilaela ka balatiwa ba luna, ni zeñwi cwalo, “Kana bakona ku kena nji?” Mabizo a bona, haiba ne ba ñozwi mwa Buka ya Bupilo ya Ngunyana, kusikaba kale mutomo wa lifasi, ba ka beleka hande mwateni. Yeo kona nto inosi yeswanela kueziwa. Lu fa bupaki ni kumonyeha Liseli. Mulimu wa eza cwalo, yena Ya Li tisa kubona.

³⁹ Cwale mulemuhe, ku Elia, cwale, kasamulaho amano mu tubulela siapalo, ni ku si lika ku yena. Ka manzwi amañwi, Elia mupolofita, yana na ni kubo ya Mulimu fa maheta hae, ataha kwani mi a to si beya ku Elisha, wa njimi, kubona haiba ne si ka mu kwana. Mi kwa ba lilimo zelishumi kuli li cinciwe, fa ku kwana mwa kubo yani.

⁴⁰ Mwa ziba, Mulimu hañata u lubeyanga mwa sintolo ni ku lu luta ku lu kokolela. Cwale, Na si ka cinca siapalo sa hae kuli si kwane Elisha; Na laezi Elisha kuli akwane mwa siapalo. Mi kona Za eza ni kacenu. U lu cinca kuli lu kwane mwa kubo, isiñi kuli kubo ikwane luna. Fokuñwi lu batanga kuli kubo i lu kwane, kono halukoni kueza cwalo. U na ni (kutuhela) kuli u cinciwe, wena kasibili, kukena mwa kubo. Ki kubo ya Mulimu, mi Yena u i ezize ili ye petehile. Mi luna ni . . . Una ni ku lu tisa mwa sibaka sani, kuli kubo i lu kwane.

⁴¹ Kacwalo, halukoni kuba baba petehile, ka luna bañi. Lu ziba kuli halukoni. Hakuna mukwa wa kuli lube cwalo, mi, ibo, Na bulelezi kuli lube cwalo. Kacwalo, kono, sa Na ezize, Alukisa swalelo ya luna; Mulena Jesu Kreste ni kuluka kwa Hae. Fani kona fo kutahela kupetahala; ka ku sa talima kukena kwa luna

bañi, kanti mane haluna ni ko kukana; ni milelo ya luna, ye sa lukeli kuba cwalo. Kono lu tiyela handende fa musebezi ofelile wa Mulena Jesu. Mulimu na Mu lumile mwa lifasi, ki ku Yena ha lu pumula.

⁴² Mulemuhe, myaha ye kaufela, kuya ka mo lu zibela, nana ni fela kolobezo iliñwi ya kubo ye ne li kuyena. Kono mwahala lilimo, Mulimu u bupile mikwa ya mutu kukena mwa sibaka sa kuli, kasamulaho wa pizo ya hae, kuli akwane mwa kubo ni kuba mutang'a Mulena.

⁴³ Mi cwale Elia ha fita ni ku mu nepela yona fahalimu, mi ba liba kwa Giligali ni libaka zeñwi zeñata ko ne baile, kuya kwa sikolo sa baplofita, mwa musipili wa bona, banze ba zamaya cwalo. Mi, mafelelezo, Elia na lika kuhapeleza Elisha kuli a kute. Kana mu lemuhile? Kulika ku bata kuli akute fela. Ali, "Na . . ." Kusi cwalo, "Mwendi nzila ye ki ye kambama hahulu ku wena, mwana. Mwendi ki yesisani hahulu kuli uzamaye kuyona."

⁴⁴ Mwa ziba, ko ne kuinzi Elia, neli ko ku namile. Mi kaufela koo mutanga Mulimu a kutaza Evangeli, ki ye namile hande, Evangeli ye sika zwakana ko I kutalezwa.

⁴⁵ Kiñi, zazi leliñwi, naile kwa sikolo sa baplofita, ku yo ba potela, mi ba mu kupa kuli a funduke. Se bali, "Ku tata nyana kulo kwanu, ku luna."

⁴⁶ Se lutokwa kacenu ki kutazo ye namile, ya Evangeli ye ka kauhanya buloto kwa muuku, kamba ze maswe ku ze maswe. Ku kondisa ze lukile kuba "ze lukile," mi ze fosahalile kuba "ze fosahalile."

⁴⁷ Balikani ba kaufela ni kutwisiso ya bona, ni zeo kaufela nebali zona! Ba luma babañwi ku yo yanga za kuca, mi alimuñwi wa bona a yo koyola mutai usili, ni ku kubukanya lungwatanga lwa mwa naheñi, ni ku kateha lifu mwa poto yabona ya za bulapeli. Mi, taba yapili mwa ziba, ba huwa bali, "Kuna ni lifu mwa poto!"

⁴⁸ Kono Elia, ni liemba zepeli, na ziba sa kueza, kacwalo ataza bupi mwa lizoho la hae. Ali, "Cwale amu zwelepili mu icele." Ka manzwi amañwi, bona . . .

⁴⁹ Kacenu, mufuta, Ni nahana, kuli luna ni ba Methodist babañata, ba Baptist, Presbyterian, Lutheran, Mapentekota, ni lika zeñwi kaufela, kaufela ze kopani hamoho, mi yo u lwanisa yomuñwi. Mi ha lutokwi ku hana lika kaufela ni kuikambusa ku zona. Lu tokwa lizoho leliñwi la Sico. Lu ute keleke yeswana.

⁵⁰ Sico ne si zwa mwa ndu ya sikolo kwani, yeneli nubu ya sico yeo batu ne ba tisize, ni mutamu wa kutulo yene li fa mubu ni muutwa omuñwi ono panganga peu kaufela ya sico ka kuswana. Mi cwale ha . . .

⁵¹ Sico se, kakuba se si swana, neli mufuta wa Krete. Sico ki bupilo. Mi cwale mufuta wa Krete, sona sico, halisweli

kubupiwa ka mukwa o swana; kotalusa kuli, “Jesu Kreste ki yaswana maabani, kacenu, ni kuyakuile.” Mi sico mwa nubu ya sico, mi ha ba beya sico se mwateni, kubeya Kreste mwa lifu a tisa Bupilo. Sani kona se si panga shutano mwa buino bwa luna bo bu shwile, mwa kushutana kwa luna, mwa likañi za luna za bulapeli ni lika kaufela. Kambe ne lu ka tisa fela Kreste mwateni, ne ku ka cinca lifu, ni kauhano, kukena mwa Bupilo, kambe ne lu ka eza fela cwalo.

⁵² Kuna ni ba Baptist baba eza bo lule baba naintini mwa America. Kuna ni ba Methodist baba kuma fa setini milioni mwa America. Kuna ni ma Lutheran baba eza ilebene milioni mwa America. Ni ma Presbyterian baba teni milioni mwa America. Mi Mulimu wa ziba fela kuli ki Makatolika babakai, bene ba fitelela palo ya likopano kaufela. Kono, mwahala zona kaufela, ki sikamañi se lutokwa? Ki Sico se sitala mwa lizoho. Lu tokwa kutisa Bupilo kwa keleke. Mi Kreste ki yena Bupilo. Na tezi ku to lu tiseza Bupilo.

⁵³ Kacwalo, nebana ni likañi la bona, ni likolo za bona, ni za bona- . . . lituto za bulapeli, ni zeñwi cwalo.

⁵⁴ Mi cwale Elia abulelela Elisha, “Ki hande ukute kwa, kakuli nzila ikona kuba tata nyana.” Kono haili muuna wa Mulimu ya sa talimani kale ni zona, kamba ya sa kenyize kale liheta la hae mwa siapalo sa kuluka kwa Mulimu ni mata, ha ki nto yebunolo hahulu kukuta mwa mulaho.

⁵⁵ Hane Ni utwile mulisana ha bulela, kakusasana cwana, kuli za luna. . . “Babañata ba zwafile.” Se lu tokwa, muzwale, ki kutiya pilu! Se lutokwa ki ku susuezwa, yeo kona niti. Miliko yakona kutaha. Ha lu si ka sepiswa kuli lu ka ila ku yona, kono Uka fa muhau wa kufita kuyona. Haiba lilundu ki lelitelele hahulu ku lipahama, kutunge cwani fa kushela mwatasi, libapuke cwani fa ku li potoloha, Uka fa sishemo mwa kufitela ku zona. Yeo ki niti. Fela usike mwa bilaela, kono talimisa fela meto a hao ku Kreste, kakuli ki Yena fela yakona ku lu silisa kuzona.

⁵⁶ Cwale, lwa ba bona habanze ba zamaya cwalo, kutaha kwa sikolo. Mi ki hali, “Siyala mo cwale. Ina mo, mi u yahe mwateni ni kuba muluti yomunde wa zabalapeli, ni zeñwi cwalo. Mi wena mane, zazi leliñwi, wakona kuba mubakweli yomutuna wa sikolo se kwanu. Kono Na ni swanela kuya kwani fahule nyana.”

⁵⁷ Mwakona kunahana muuna wa Mulimu ya ka kuliswa kuba mubakweli wa sikolo sa koleji, kanti Mata a Mulimu na li ona fa na yemi fani? Batili, sha. Na ize, “Ka Mulena ya pila ni moyo wa hao o pila, Hanina ku ku siya.” Na lata cwalo.

⁵⁸ Ina ni ona, hakuna taba kamba ki zekai ze zwafisa, mane nahaiba lizwa ku bo maho, bo ndataho, kamba kuzwa ku mulisana hao. Ina ni Yena.

59 Fa Jordani ki bao ba silela mwabuse. Ba silela mwabuse. Mi Elia ali, “Cwale, ki sikamañi se Ni ka ku ezeza?”

60 Ki hali, “Kalulo yetuna ya moya wa hao kutaha ku na habeli.” Na ziba kuli nana ni musebezi wa kueza. Ki hali, “Liemba zepeli.” Isiñi fela kutwisiso yende ye futumala, isiñi fela kuswalana mwa mazoho, kamba kutwano yende ni babañwi ba keleke. Kono, “Se Ni bata ki siemba sa zepeli ku zeli zende cwale.”

61 Na mi bulelela, Mulimu ha tomela mutu musebezi wa lifasi, una ni kuba ni sesiñwi sesinde kufita se lina ni lifasi. Una ni kuba ni nto yende kufita seinani keleke. Una ni kufita fa liemba zepeli.

62 Mi haiba ku kile kwaba nako yakuli liemba zepeli li tokwahala, ki kacenu, mwa libaka za batu; nto yeñwi yende, nto yeñwi yepahami. Ha nikoni. . . Ni sepa kuli manawa ni buhobe bwa mbonyi ki zende luli, kono fokuñwi Ni na ni kufita ku ze pahami. Halunze lueza cwalo; luna ni kuba cwalo. Lu swanela kuya lupahama. Isilaele na nza ya awa mwa tumelo kufita kuli aine fa mayemo a swana. U lukela ku zamaya kuya kwapili kamba kukuta mwa mulaho. Mi cwalo kona mo iinezi keleke.

63 Kacwalo, hane baya cwalo, ne ku si ka fita nako yetelele neli mizuzu nyana fela ki hali, “U kupile nto yetuna, kono, nihakulicwalo, haiba uka ni bona ha Ni ya, wakona kuba ni zo kupile.”

64 Cwale, sani si na ni kuba munahano ulimuñwi, pilu iliñwi, mubonelo ulimuñwi, unzo talimile fa sepiso. Hum! Haiba wa kula kakusasana cwana, haiba u ziyelehile, kuna ni sepiso iliñwi yetuna; isiñi ka Elia, kono ka Mulimu Kasibili. “Haiba ukona kulumela, ha u lapela, u lumele kuli uka amuhela so kupile, mi uka si amuhela.” Hakuna taba ka sa bulela dokota, kamba *se* si ya kufita kai kamba *sani* siya kai; inelela fela fa sepiso inosi yani.

65 Elia na mu file tumo, “Haiba u ni bona ha Ni ya, si ka taha ku wena.”

66 Kuna ni sepiso, “Haiba ukona kulumela, lika kaufela za konahala ku baba lumela.”

67 Fokuñwi Na iponanga ili na, mi ni nahana kuli, “Ni bile yatabela hahulu ka busuleni mwa bupilo bwaka. Ni libelezi, mi ni latehezwi ki mioyo yemiñata ñata, mwa Mubuso, kakuli Ni libelezi ni kubulela kuli, ‘Mulimu. . .’ Ni itingile hahulu fa mpo ya moya. Mi ali, ‘Mulena, haiba U ka ni bonisa fela, haiba U ka nifa pono ya sa kueza.’” Mi Mulimu ufa pono, mi Ni ka sikuluha ni kutuhela kuli mutu ani bulelele nto isili fela.

68 Mi, oh, Nali kuba ni tahe fa sibaka, haisali, kufitela Ni. . . sina mo Ni bezi ka nako ye, kuli Ni ikutwa kuli ki tumelo, kuli lu lukela kuzwela kwande kwani, kakuli ki sepiso. Ni lika Za ezize, ni lifoliso Za bonahalize, ni limakazo; kuli mane, u shetumukile

ni kuswaniswa siswaniso sa Hae bukaufi ni luna, ni zeñwi cwalo, ze si ka zibahala kale haisa lifasi li tomwa. Mi kipeto ni yeme sina tapi yelukuluhile ka busuleni? Seo mane sa ni zwafisa nina luli. Seli nako ya kubeya liito la hao fa sepiso.

⁶⁹ Mi sani kona, ka sishemo sa Mulimu, Ni lela kueza. Mi Ni lemuha kuli diabulosi kaufela mwa lihele uka kunupa ku sona. Kono, ka sishemo sa Mulimu, Ni lela kubeya liito laka fa sepiso.

⁷⁰ Elisha ali, “Haiba wena,” kamba, Elia ali, “Haiba u ni bona ha Ni ya, ukaba ni so kupile.” Yeo ki niti. Mu lukela kubeya liito la mina ku zona; mutokomele sepiso. Inge, kucwani haiba babañwi ba sikolo, ha na ka sikuluha, ni kubulela kuli, “Yela, bashimani, Ni eza cwani cwale, kulatelela hande mwa mulaho wa mupolofita?” Na ka palelwa, mwendi. Kono na si ka iseza ngana kwa munahano wa sikolo, kamba ze ne ba banahana baluti bani kaufela. Na si ka tokomela se be ba nahana bomuyaha tuko, kamba mandu, kamba bene ba mu talima. Na bulukile tumelo ya hae mwa sepiso.

⁷¹ Se lutokwa kacenu ki tumelo mwa sepiso ya Mulimu, mi musike mwa iseza ngana ku sa bulela mutu *yo* kamba sa bulela *yani*.

⁷² Sina muzwale mwa na bulelezi, mukutazi nana ni basizana bababeli bene bali limumu, ni kuli kañi ka za foliso ya Bumulimu, kuli, “Bana ne ba si ke ba foliswa.”

⁷³ Musike mwa iseza ngana kwa bahanyezi. Mubeye tumelo ya mina fa sepiso. Mulimu na bulezi cwalo! “Tapelo ya tumelo ika pilisa ya kula, mi Mulimu uka mu zusa.” Haiba Akona kueza shushu simumu kuli autwe, Wa kona kueza kuli shushu wa simumu sesimu si utwe. Lwa ziba, ka bupaki bo bu sa palelwi, kuli Wa ezanga cwalo. Lubeye tumelo ya luna fa sepiso. Meto aluna atalime kulo kulikuliñwi; lizebe zaluna ibe nto iliñwi; lipilu zaluna ibe nto iliñwi; mi, nto iliñwi, ku Jesu Kreste, mi Wa kona kueza sa Na sepisize. Oh, ha lu nahana ka zeo, si cinca buino kaufela ha lu fita ku zani. Mulimu na file sepiso. Mulimu ki Yena yana li bulezi.

⁷⁴ Cwale, *fa* nekuna ni muyemeli wa Mulimu yana li bulezi, mi cwale Mulimu Kasibili u li bulezi. Mi kipeto lukona kueza sikamañi? Hakuna sika kwanda kubeya muhupulo wa luna ku sona. Ali, “Haiba u ni bona ha Ni ya, wa kona kuba ni sepiso.” Elisha atalimisa meeto a hae ku Elia. Hakuna taba kamba ki zekai ze ne huwa kwa maneku kaufela, ze ne ka ezahala kwa maneku kaufela, sene si ezahalile ku sikaba kale sani, mane na si ka si talima. Na beile meto a hae fa sepiso. Ki fo he cwale, meeto a mina fa sepiso.

⁷⁵ Ni nahana ka kalibe yo ne lu ilo potela busihu bobuñwi, Kezeli Sauer. Mi dokota na mu bulelela mwa na kulezi maswe. Mi ne Ni si ka mu bulelela; ku bulelela mulatiwa. Ni mo ne ku ka mu bela tata kuba hande. Cwale, muzwale, mukwenyana hae na

ni buzize ka zona. Se nili, “Haiba akona ku buluka meeto a hae fa sepišo.” Hakuna taba ka ze ezahala, mu buluke meeto a mina fa sepišo.

⁷⁶ Lisunda nyana kwa mulaho, Kezeli Wood fa, ni Muzwale Wood, balikani bababeli ba hesu baba latiwa hahulu mo mwa keleke. Nenili kwa Michigan ni balikani baka, Leo ni Gene. Ne lu zwile mwa mukopano wa Chicago ni kuya ni sicaba sesiñwi sa bona, kwa . . . ka mazazi amabeli, ku yo zuma likwalata ka buta ni masho. Mi mwa musipili waka ha ni kuta, musala ka na ni sweli, mi ki hali, “Lapelela bo musala Bo. Wood. Kansa icile sifateho sa hae.” Mi ali, “Nali kuba ni bone Kezeli Wood asabile hahulu. Wa lila.” Kezeli Wood kamita ubile ndwakati wa tumelo, kuzwa nako yani Mulimu ha folisa mwana hae wa mushimani kwa lihututu la sihole, ni ku mu folisa TB, ni zeñwi cwalo. Kono totobezi.

⁷⁷ Mwani mwa muzuzu, busihu bwani, lwa lapela. Hane ni kena mwahali, musala Bo. Wood ali, “Muzwale Branham, luka ya kwateni.” Mi lwa ya ku bo mahe, bene bali mwa Louisville. Mi nana ni kansa kwa neku leliñwi la ngo ya hae, mi dokota na isweli sweli, ku ihasanya; kufitela kusiyala fela kakwenda nyana fa ngo ya hae, mi fahalimu nyana mwendi ka mainci a eiti bukaufi ni liito la hae, ki lisapo fela lelili fani. Se ne i cilwe kapili fela mo ne i konela kaufela.

⁷⁸ Na kena mwa muzuzu, mi Na kubama fafasi. Na li, “Ni bata ku ambola ni yena anosi.” Mi Ni kena mwa muzuzu ku yo lapela ni musali. Mi hane ni li mwa muzuzu, Na hupula kuli, “O Mulimu, haiba Uka ni bonisa fela pono ya ze ka ezahala ku musali yoo.” Mutu. ni musala Bo. Wood inge bainzi fande, ne balibeleda kubona pono ze ne i ka bulela.

⁷⁹ Kono hane Ni sa li mwahali mwani, Na nyaziwa. Na nyaziwa ka kulibeleda pono. Ne ku bonahala kuli Sesiñwi ne si swaniswa kwa mulaho, “Ne si pizo. So tokwa ki pono, kanti sepišo i filwe kale ni kubulelwa?” Kacwalo Na kubama ni kulapela. Mi hane ni sweli kulapela cwalo, sesiñwi sa utwahala fela mwahali, neli tumelo ya tumelo.

⁸⁰ Ani zwela fande. Mi musala Bo. Wood, ha Ni mu bulelela ka zona, ki hali, “Kikuli kuna ni so boni, Muzwale Branham?”

⁸¹ Se nili, “Nali kuba nibone sika kaufela, kono Ni utwile Sesiñwi se si ni bulelezi kuli sepišo ya Hae ki ya niti mi Na ka eza cwalo. Mi Ni lumela kuli Uka eza ona cwalo.”

⁸² Mi mwahala liholo fela ze twenti-foo, mafelelezo a kansa yani akala kubonahala ka kuyebuha kwa sikapi sene si kwahezi fateni. Kansa haibangi ni sikapi, sina ha mu ziba, konji haiba i shwile. Kacwalo nesili fani cwale. Mi musali a foliswa, mi u kwa ndu. Ha ki Krete kwa bunde! Ka kotalimisa fela meeto a luna fa sepišo! Mulimu u bulezi cwalo!

⁸³ Kono ha lu lapelelwa, linako zeñwi, luzwela fande ni kubulela kuli, “Kihande, ne li si ka ezahala fela ona fani kapili, kona kuli mwendi lu kutele kwateni hape.” Oh, batili.

⁸⁴ Talimisa liito la hao fa sepiso. Mulimu ubulezi ona cwalo, ao kona mafelelezo a zona. Foo kona fo li ka felela. Haiba Mulimu na bulezi cwalo, Mulimu wakona kubuluka sepiso ya Hae, kusi cwalo Na si ke a i bulela.

⁸⁵ Abrahama na bizize lika zani, ze ne siyo, inge kuli liteñi. Mi, ka myaha ye twenti-faifi, ayema ku ze ne lwanisa, kakuli na talimile kuli Mulimu na kona kupeta sa Na sepisize. Amen. Mi luna lu bana ba Abrahama, ka tumelo.

⁸⁶ Kiniti, Elia na tundamezi kutalimisa meto a hae ku . . . kamba Elisha ku Elia, hane ba nze baya cwalo. Mi kasamulaho nyana, koloi ya taha ku to ba kauhanya, alimuñwi kwa neku le ni leliñwi, mi ki ha i pamulela Elia mwahalimu. Kuyona. . . A pahama fa koloi mi angelwa mwahalimu, ni kuapesa siapalo sa hae fa maheta a hae ni ku si nepela ku Elisha. Kakuli, Elisha na sa hulezi ku sona, mwa ziba, kona kuli sa mu kwana handende. Mi mwakona ku kanahana fela. . .

⁸⁷ Oh, Ni bata kuli mu ni fe kutwisiso ya mina kaufela, sina ha Ni ikutwa mumizo waka usweli kukolola. Ni bata ku mi buza nto yeñwi.

⁸⁸ Kikuli mwakona kunahana ka mwa ikutwezi Elisha nako ya na nopa siapalo se, a si beya fa liheta la hae? Oh, ha ki maikuto ni ao!

⁸⁹ Hani talusi taba ye kuba ya butu fela, kono mwendi ka myaha ye lishumi kwa mulaho, ona fa katala fa, Ne ni katalize fa kutazo yeñwi; Davida, ndwalume ni kafwililo mwa lizoho la hae, ni Goliati fapila hae. Mwa mazazi ani nekusina likundi za foliso mwa simu, kai ni kai, sina mo ne lu zibela. Mi, oh, batu mo ne balwaniseza foliso ya Bumulimu! Kono nekuna ni nto yeñwi, kasamulaho wa kukopana ni Mutu. Mi balisana ba ni bulelela kuli Ne ni sweli ku lyanga mwa boko, kuli ne ku sa koni kuba cwalo. Kono, kuzwa kwa kapongisi kakaswana ka fa, Na bulela ka Davida. Ali, “Kana utalusa kuli yo, limpi za Mulimu yapila, lika lumeleza Mufilisita ya si ka kena mwa mupato yani kuli a nyefule mpi ye?”

⁹⁰ Mushimani yomunyinyani wa maheta a weyukile, wa milili yetatani ni koti ya ngu, ni kafwililo mwa lizoho la hae; kanti mpi kaufela ya Isilaele inze i yemi, ina ni bayemeli. Mi yena, anosi, a zwela kwanteni. Ni mutu, yana—yana mukwale omutelele ka liñokolwa ze naintini, mi sene sili kwa mafelelezo a ona ne sina ni bukiti ka lishekele shekele cwalo, mwendi ki lipaundi za lisipi, ze buhali, ni mukwale olikana liñokolwa ze naintini, ni minwana ye mitelele ka mainci a fotini.

Mi Davida mwendi na na ni bukiti ka lipaundi ze naintini, mi ayema, inza tulaka tulaka, inge kakombwe kaka kuswani,

mi ali, “Mu ni bulelela kuli,” oh, mawi, “kuli mu ka tuhelela Mufilisita ya si ka kena mupato yani! Haiba uina mwa sibaka sa hae, mutuhele aine ona cwalo, kono usweli ku nyefula limpi za Mulimu yapila.” Oh, mawi, ha ki muhali niyo! “Mi kaufela mina mwa saba ku mu lwanisa?” Ali, “Amutuele ni ikungele yena.” Oh, mawi! Ki hali, “Mulimu wa Lihalimu u ni konisize kubulaya tau ka kafwililo, A ni lumeleza kubulaya bere ka kafwililo, mi kikuli Uka ni palelwa ku ni fa Mufilisita yani ya si ka kena mwa mupato mwa lizoho la ka!” Kiniti.

⁹¹ Mi cwale tulo yapili ha ne i winilwe, mi Goliati a bitelwa fafasi, limpi za Isilaele kaufela za latelela Davida. Mi ba pumaka litho ni ku nata, Isilaele. . . kamba ku nata Mafilisita ku ba kasheza mwa naha ya bona. Ba ba kasheza mwa maneku kaufela, ni ku ba silaha, ni kuhapa minzi ya bona, ni lika kaufela, mi baba ni tulo.

⁹² Muzwale ni kezeli, taba yeswana i ezizwe mwa libaka ze pahami za buipiteli, hane baize, “foliso ya Bumulimu haikoni kubeleka. Mazazi a limakazo a felile.” Haiba mazazi a limakazo a felile, mazazi a Mulimu a felile. Keleke ye sa lumeli mwa lika za buipiteli mafelelezo i ka shwa, mi Mulimu uka siya keleke yeo. Ina ni kuba cwalo! Mi Mulimu nafile sepiso, mi lisepiso za Mulimu ki za Kuyakuile.

⁹³ Kwanu nako yeñwi yefitile basizana babañwi ne ba sweli ku keshebisa ka mulyani obuhali obizwa radium, mi ne ba u nwelisa mwa mezi, ni kupenta manaka a waci ka radium yeo. Mi Ni na ni yeñwi fa waci yaka ye. Mi musizana aeza mafosisa ni ku izwisa fateni ku i comeka mwahanu. Ya mu bulaya. Mi kasamulaho wa myaha ni myaha, ba nga maikulosikopu ni kuibeya fa katendele ka musizana yani, mi ne ba sa utwa radium yani i sa lila, “Burr-burr-burr.” Haina mafelelezo. I zwelapili kubeleka, ona cwalo ni cwalo. Hakuna ku kuzua ku yona.

⁹⁴ Mi, oh, muzwale, haiba mulyani una ni mukwa o cwalo ku luna, kana kucwani he yena, wa Kuyakuile, ya na ni mata kaufela, ya sina mafelelezo kaufela, Mulimu Yamata kaufela! Una ni kuba ni mata aswana sina mwa Na kalezi. Una ni kuba ni ona kaufela, kusi cwalo Ha ki Mulimu Yamata kaufela, Mulimu ya mata kaufela. U sa libelela mutu yomuñwi ka tumelo yetiile, ye ka zwela fande ni ku swabisa sila fa mayemo a Linzwi la Hae ni kubulela kuli Ku cwalo.

⁹⁵ Mi cwale ki sikamañi sene si ezahalile, ona fani fela mukopano omutuna wa foliso ha u kalisa? Mi likitikiti za masole, ili baana ba Mulimu, bene ba lobezi mwa likeleke zenyinyani, sina Oral Roberts, Tommy Hicks, mi buñata bwa baana babañwi baba ipitezi mwa simu, ba comola Mukwale wa bona mi ona cwalo ba ikela. Ona Mukwale o pumaka fahali ha utaha ni ha uya, fahalimu ni fafasi, ni mwahali ni fande, “ki Mulemuhi wa milelo, mane ni kwa mooko ni masapo.” Ba hoha Libibele

za bona, ili ona Mukwale, ni kuzwela fande, ha ba bona kuli ne li ka kona kuezahala. Mi lu natile sila, ka sishemo sa Mulimu, kufitela lifasi kaufela liba ni ancafazo ya foliso. Ye kona kuezahala. Balisana babanyinyani bene bana ni likeleke zelikana liñokolwa zepeli ka zene mwa butuna, ni zeñwi cwalo, ba tumbuka mulilo ni kubona pono, ba comola Mukwale ni kuya kwapili, ni kukoma sila.

⁹⁶ Kana muziba cwani kuli kuna ni zeo? Kuna ni baana babatuna, Congressman Upshaw, Mulena George wa kwa England, ni baana babatuna babañata bene ba lobezi bali bakuli ni ku zieleha, ba foliswa ka Mata a Mulimu Yamata kaufela. Kacwalo hakuna ze ba kona kubulela ka zona cwale. Li ezahalile. Kiniti! Na li . . .

⁹⁷ Mi aya Elia. Kasamulaho . . . Pilu ya hae kaufela neibata ku ba ni sepiso yani. Na bata sepiso. Yani neli milelo ya hae. Zani neli zona za na bata luli. Bwani neli bupilo bwa hae. Yani neli yona milelo ya hae, lika kaufela. Kaufela, lika kaufela, liitingile fa kuba ni sepiso yani.

⁹⁸ Ni kolwa ni kulumela kuli ha lu si ka sepahala ka litaba ze lu bulela. Haiba maikuto a hao kaufela, kakusasana cwana, aitingile fa, “Kufa tumbo ku Mulimu kwa foliso yaka. Ni tamehile kufoliswa ka Mata a Mulimu. Ni tamehile kupila bupilo bwa Sikreste. Ni tamehile kuzamaya mwa kozo ni Mulimu. Ni tamehile kueza cwalo. Hanina taba ka se ba bulela boma, se ibulela keleke, sa bulela mulisana, sa bulela mutu ufi kaufela, se li bulela lifasi. Ni tamehile. Wo kona mubonelo ulimuñwi fela wa pilu yaka.” U ka fita fahule fa nako yeo.

⁹⁹ Mi, Elisha ha na boni kuli na tamehile ka tundamo yetuna kuba ni sani, Elia na boni kuli *Elisha* na itamile luli, a mu fa sepiso. Cwale, sepiso neli kuli, “Haiba u ni bona ha Ni ya! Haiba u kona ku ni bona ha Ni funduka!” Cwale ku itingile fela ku Elisha. Na bata ku utwa sepiso, kacwalo a amuhela sepiso. Cwale kuna ni “haiba” ku yona. “Haiba u kona ku ni bona ha Ni ya!”

¹⁰⁰ Cwale, haiba wa kula kakusasana cwana, mi ubata ku foliswa, Na kona ku ku bonisa kuli Kreste u ku file sepiso. Sepiso ki ya hao, “Haiba ukona kulumela! Haiba ukona kulumela!” Usike wa komiwa.

¹⁰¹ Cwale Elisha na apezi mwa siapalo sa Elia, yena mupolofita. Ha ki sanda ni seo sa mukomi! Mwa na zamaezi, aya kupahama Lihalimu, sina mukomi! Na utwile sepiso. Na utwile mata. Na zamaya sina ndwalume, ku liba ona kwa Jordani.

¹⁰² Ku lumbwe Mulimu, mulikani! Mulumeli kaufela, kakusasana cwana, ya apezi ka kuluka kwa Kreste, inza zamaya kuliba kwa nzila ya Jordani. Yeo ki niti.

¹⁰³ Mutuhele kuli lindalamiti za atomic litahe; ka nzila ifi kaufela. Lu putelezwi ni kuitamaela, luli bakomi. Amen. Na . . .

“Si sabi. Ni komile lifasi.” Eeni, sha! Mwa hupula kana? “Ni komile lifasi.” Kreste na bulezi cwalo.

¹⁰⁴ Elia na zamaya ni siapalo se sifilwe a apezi, mane inge mutuli, ka swanelo, inza taha kuliba kwa Jordani.

¹⁰⁵ Muzwale, mutuhele ni bulele se ka likute ku mina. Usike wa apala siapalo sa mutu kaufela se si cilwe ki ku kakanya, ko kuna ni kukomiwa kwa kaufela ni za kuikupulela ni matata kwa ni kwa ni misima ye punyakehile mwateni, mane ki se si puya fela. U apezi siapalo sa Mukomi, Kreste. Musike mwa sepa mwa keleke ya mina ye kile ya luta puluso ka kolobezo ya Moya o Kenile, ye kile yaluta foliso ya Bumulumu nako yeñwi kono cwale ya I latula, kaufela li cilwe ki mafele ni lika zeñwi kaufela. Muapale kubo ya Hae ya si ka luza fateni ndwa, kakuli mu mwa musipili wa mina kuliba kwa Jordani. Amen.

¹⁰⁶ Cwale, na apezi siapalo sesifilwe, yeo ki niti. Mi batu babañata kakusasana cwana bana ni liapalo zefilwe ba apezi. Kono cwale ha taha kwa Jordani, a lemuha kuli lisila linosi halikoni kueza musebezi. Yeo ki niti. Mi keleke, ba Methodist, ba Baptist, ba Pentekota, ba Presbyterian, “Oh, luna ni likolo! Ku. . . Mawi, luna ni lituto za litumelo kaufela, za Bibebe, ze shetumuka cwalo. Luna ni masila kaufela a lukilwe akulobala ni ona hande, ki lisepiso. Luna ni zona kaufela. Oh, lu kolobelizwe, lwa shetumuka. Mi luna lu na ni buapositola hahulu. Lu apezi tumelo ya ba apositola. Lu lumela mwa foliso ya Bumulumu. Lu lumela ku Mulimu. Lu lumela mwa Mata a Mulimu. Lu kolobelizwe, mwa Bibebe, ka nzila yeo Bibebe ibulela ka yona. Lu amuhezi Moya o Kenile. Lu bulezi ka malimi. Lu eza zeo kaufela.” Kono, muzwale, haiba yeo kona nto inosi fela yo tokwa, uka fumana kutokwa kwa hao, ni wena, ha u ka yo fita kwa Jordani.

¹⁰⁷ Oh, wa kona ku lutiwa. Wa kona kuba ya butali. Wa kona kuba ni D.D., Pampili ya Buituti bwa za Bulapeli. Wakona kuba ni Ph.D., Dokota wa za Bulapeli. Wakona kuba ni LL.D., Dokota wa si Latin. Wakona kuba ni ma digiri a mifuta kaufela. Wakona kuba ni siapalo sa keleke ya Methodist ku wena. Wakona kuba ni siapalo sa keleke ya Pentekota ku wena. Wakona kuba ni siapalo sa ba Assemblies utinile, kamba sa ba Oneness, kamba ba Trinitarian, kamba kaufela seo sikona kuba sona. Ki siapalo fdela se si filwe, ka kukala, yeo ki niti, ya lituto za ipangezi mutu, ze nahanilwe fela, ni zeñwi ze cwalo; mane ni ha ubile Mukreste, mi ni keleke ibile ya Mukreste, ni kutinisiwa hande.

¹⁰⁸ Kono cwale Elisha, hana yemi, kutaha patalaza luli, fa likamba le litezi basomi ba bapolofita, kubona sa na ka eza, mi ki yo ataha, inza zamaya ni kubo ya Elia, oh, mawi, haleluya, u keni sikolo ka manzwi asili, u i tutile, na pasize, wa lumela, hakuna se si fosahalile ku yena, u taha kwa Jordani, lifasi li mu talimezi.

109 O Mulimu, mo lutokwela zeo kacenu! Ka buñata bwa ba lituto ni baituti baba itutile; ni baana babañata baba kona ku pazula Bibehe fahali ni ku I beya hamoho, mwa lipalo; baana babañata baba kona kueza lika zetuna ka linzila za kuluta; baba ziba makande a kale a Bibehe kupunya ni kacenu, baba kona ku mi bulelela nako luli yeo kandela ha i tuka mulilo, ni nako yene itile. Bakona ku mi bulelela lika ze kaufela. Mi bana ni . . . Bana ni kolobezo ya mezi. Bana ni kolobezo ya moya, sina mo ba i bizeza, yona kubo. Bana ni lika kaufela ze tomilwe hande ka swanelo.

110 Kona mwa na ezelize ni Elia. Kono cwale ha taha kwa Jordani, ku to talimana ni lifasi la bahanyezi, ki sikamañi sa na huwile? “Ukai Mulimu wa Elia?” Ne si siapalo sa Elia sene si ezize lika. Neli Mata a Mulimu wa Elia, a na ezize zani.

111 Mi taba ye li tokwa lifasi ka kakusasana cwana ki Mata a Mulimu wa Elia. Hakulata ubulezi ka malimi ni kuhuwa, ni kumata mata fafasi. Kono se lutokwa ki Mata a Mulimu wa Pentekota, kutisa bupilo ni lika ze ne pila mwa lizazi lani, mwa mata a baapositola.

112 Siapalo sa bubeli sesifilwe neli sesinde, kono na tokwa pizo yenca mwa pilu ya hae yezwa ku Mulimu. Na tokwa tozo yenca yezwa ku Mulimu. Na apezi siapalo sene si filwe ha taha kwa nuka, kono na tokwa pizo yenca yezwa ku Mulimu, ni Mata a pili a zwa ku Mulimu, kuli a eze makazo.

113 Mi, muzwale waka, usike wa saba kukupa Mulimu sika kaufela. U lukela kupihelela ku Mulimu, kamba ku kupa Mulimu, ka sika kaufela Sa sepisize. Kakuli, haiba Ni zibahaza Mulimu ya mata ni ya mata kaufela, mi haiba Ni mutanga Mulimu, Ni lukela kueza misebezi ya Mulimu. Mi haiba Ni eza misebezi ya Mulimu, Ni lukela ku pihelela ku Mulimu kuli lika ze li ezahale, kakuli U tokwa na kuli ni eze ze sa konahali. Nina ni ku Mu kupa. Nina ni kubiza ku Yena, ni kuyema fani ni kubulela kuli, “Mulimu, U sepisize cwalo.” Ni wena u cwalo, mutu kaufela.

114 “Mu ka amuhela mata,” Likezo 1:8, “kasamulaho Moya o Kenile utaha fahalimwa mina.” Kasamulaho Moya o Kenile u mano taha ku mina! Kasamulaho umano tiniswa sina Mukreste, kasamulaho wa tumelo ya hao imano tomwa ku Krete, kona u ka amuhela mata. Ki fo he cwale. Eeni.

115 Mi, muzwale, kezeli, mañi ni mañi wa mina, kakusasana cwana, mwendi Ni bulele cwana ni sika lapelela kale bakuli, mi Ni bulele cwana: Ka tuso ya Mulimu, mu ni lapelele kwateni. Sina ha ne Ni yemi, myaha ye lishumi kwa mulaho, ona fa katala fa, ha ne ni kutaza ka za Davida ni Goliati, cwale ha ki Goliati ya ni tibela, Mulimu u mu bulaile fapila ka, kono taba ye bile i ni tibela, ki kutokwa tumelo, kutokwa sika se Ni ziba kuli si liteni.

¹¹⁶ Mi kakusasana cwana, fapila tabernakele yenyinyani ye hape, Na huwa: ukai Mulimu yana file sepiso ye? Ukai Mulimu yana ni katani ni se, kwabuse kwani? Taha kwapili, Mulimu, mi u ni fe bundume. Ni fe kutiya. U nife muhupulo o bundume, hakuna taba ka ze taha kamba zeya. Kamba ku bonahala bunsu, kamba ku bonahala . . . Kaufela seo sili sona, zwelapili. Sepiso ki ya niti.

¹¹⁷ Mi muzwale, kezeli, leliñwi la mazazi aa . . . Ku mina balikani ba baezalibi mo kakusasana cwana, ni ku mina sicaba baba lika kulikanyisa Bukreste, wa kona kuba wa siemba sa keleke, seo ki sesinde luli, Hanina sa kubulela kulwanisa sani, hakuna ze ni nyaza ka tuto ya hae yende ya sikolo, kamba kunyaza lituto za bulapeli, Hanina se ni nyaza ka zeo, kono, oh, u kai Mulimu?

¹¹⁸ Ne si Elia, kasamulaho wa lika kaufela. Ne si Elia ya na kwaluzi nuka yani. Ne si kubo ya hae. Elisha na i lwezi fa liheta la hae. A i puta sina fela mwa na i putezi Elia. Kono ha kala kulika ku i potolosa, nekusina Mata mwani. Mi a huwa, ka kuziba kuli Mulimu naliteni kokuñwi, “Ukai Mulimu yani? U kai Yani kana?” Kona kuli sesiñwi ne si wezi ku mupolofita, kakuli na zukulize siapalo sani mwahalimu ni kunata fa mezi, mi a kauhana fahali. Mi fapila baituti ba za bulapeli ba lizazi lani, fapila bahanyezi ba lizazi lani, aya kusilela mwabuse bwa Jordani, inge fela Elia mwa na ezelize fapila hae.

¹¹⁹ Ha lu tokwi lituto; luna ni zeo. Kono lu tokwa Mulimu wa Elia. Lu tokwa Mata a Mulimu wa Elia, kukutela mwa keleke ya luna. Mata a ku a buluka mwani, ni kubiza Linzwi la Mulimu, “Kulukile,” kupale kumane.

¹²⁰ Mi luna, mañi ni mañi luteni mo kakusasana cwana, sina batu, mwa musipili wa luna kuliba kwa Jordani. “Mi hana tile kwa Jordani.” U ka yo fita kwani, leliñwi la linako za kakusasana cwana kamba bobuñwi bwa masihu.

¹²¹ Ha na tile kwa Jordani, na zamaya sina mukomi. Kono, ha na tile kwa Jordani, yani neli shutano. Nana ni siapalo sa bubeli inza apezzi. Muuna yomuñwi na si tinanga. Kono neli kubo yende, mi na ziba muuna yani na si tinanga.

¹²² Muzwale, kezeli, leliñwi la linako za kakusasana ze, Ni lukela kuya kwa Jordani.

¹²³ Nasweli kunahana. Musihali wo, lu ya ku Muzwale ni Kezeli Wright. Musike mwa ba libala. Ye ki kupuzo ya linyalo la bona. Na lumela, keleke, ba kaba ni—ni mulalelo ni bona. Ne ni sweli kunahana, zazi leliñwi: lilimo ze fifite! Mi Na ba bona bubeli bwabona, ba hulile ni kusupala luli. Na hupula kuli, “Eeni, Ni na ni myaha ye mashumi amane ka ye supile ya kupepwa.” Ne ba nyalani fela myaha yemilalu Ni si ka pepwa kale.

¹²⁴ Fote-sebene! Ni ya kwa Jordani. Ni lukela ku shetumukela kwani. Ni lukela kuya kwani. Ni ka yo punya kwani. Ikona kuba mwa kozi fa mukwakwa. Na kona ku wa kuzwa mwa

mbyumbyulu, mwa fulai. Na kona ku kunupiwa, ka lisho la diabulosi kokuñwi, ni kushwa. Hani zibi mo Ni ka yela. Kono, kuna ni nto iliñwi ye Ni ziba, Na ya, mi Niya ni zamaya kuliba kwa Jordani.

¹²⁵ Kono ha Ni fita kwani, Ni bata kuziba nto iliñwi, kuli Ni tinile siapalo sa bubeli sesifilwe, nina. Ha ni sepi ku sa ka, kakuli ha ki se sinde. Kakuli, Elia ha to nopa fela siapalo sa Elisha, a pazula sa hae mwa liemba ni ku si yumbela fafasi. Mi cwalo kona mo ne kuinezi ha Ni fumana Kreste. Na pazula zaka luli fahali, mihupulo yaka fela, bukuba bwaka, lika zaka zenyinyani. Na hupula kuli, hane Ni li mukutazi yomunyinyani, wa Baptist, Ne nili fela sina. . . Ne nili fela mutu. Kono, Na si pazula; Na apala siapalo sa Hae. Mi ha Ni taha kwa Jordani, Ni bata ku ipumana kuli ni apezi mwa siapalo sa Hae. Uka latelela sani. Mi luka punya kwani zazi leliñwi.

Kono ha lu lapeleñi fa nako nyana.

¹²⁶ Ndate yakwa Lihalimu, halunze luli mwa musipili wa luna kuliba kwa Jordani ya luna kakusasana cwana, kakuba bakomi, mi zazi leliñwi, lu lukela kutisa sesiñwi kwa Jordani, seo ki kuli, kwa lifu. Mi, oh, ha ki nto kwa kusabisa ni yeo mo ikabela, kauhano ni Mulimu. Ha lukoni kusila. Batili. Kono, Elia, ha yo fita kwani, na apezi sapalo sa Elisha. . . sapalo sa Elia. Mi ha yo nga siapalo sani. . . sa Elia, muuna ya na tabisa hande mwa meto a Hao, mi Wa mu amuhela ni ku mu tisa mwa Lihalimu ku Wena. Mi Elisha na apezi kubo ya hae, kacwalo atisa lifu kwa Jordani, lifu, siapalo sa Elia. Mi sa amuhelwa, mane Jordani ya kwaluha, mi ki ha silela mwabuse.

¹²⁷ Mulimu Yomunde, zazi leliñwi, luna ni kutaha kulo koo. Halukoni kutisa misebezi ya luna yende; haluna ni ye kana. Halukoni kutisa sika ni se si kana kaufela mwa lifasi. Na mane hakuna se ni lakaza, kulika kutisa, kono Ni sepile ka kutala mwa musebezi wa Jesu. U mu Mu amuhezi, ni ku Mu zusa kwa bafu, mi A tiswa fa Pila Mulimu mi fani kona fa ina kuyakuile. Mi, Mulimu, Ni bata kutisa sani ku Wena, kuli Na lumela ku Yena, mi Na Mu lata. Mi, ka sishemo sa Hae, U lu apesize sapalo sa Hae. Mi Na lapela, Ndate, kuli U lu tuse cwale mwa mazazi a ndwa. Mi koo baana ba Mulimu balukela kueza misebezi ya Mulimu, Ni lapela kuli U lu lumeleze kutina siapalo sa Kreste, mata a Moya o Kenile, ni kubiza Mulimu yana pila ku Yena. Lumeleza cwalo. Ka Libizo la Kreste lwa kupa.

¹²⁸ Mi cwale ha lu nze luinamisize litho zaluna. Hanizi fela, fa kakusasana cwana, haiba kuna ni mutu ya lika ku ya kwa Jordani, ya si ka tina siapalo seo. Haiba kuna ni mutu yasina siapalo sa Jesu Kreste ku mina, ni ha ne si ka apezwi nako yeñwi ka Mwana Mulimu. Ha ni zibi, haiba hamuna sona kakusasana cwana, haiba ukona fela kunanula mazoho a hao ku Mulimu ni

kubulela kuli, “Mulimu Yomunde, nako ye, Ni bata cwale ku si amuhela.”

¹²⁹ Mulimu aku fuyole, kalibe. Kana kuna ni yomuñwi hape, ya ka nanula lizoho la hao? Mulimu aku fuyole, mwana. Yomuñwi hape, nanula fela lizoho la hao? Mulimu aku fuyole, mushimani yomunyinyani. Mulimu aku fuyole, mucaha tuwe. Yomuñwi ananule lizoho la hae? Mulimu aku fuyole, kwa mulaho kafoo, muñaka.

¹³⁰ Bulela fela kuli, “Ka tuso ya Mulimu, kakusasana cwana, Ni bata ku itoboha kuluka kwaka ninosi, milelo yaka, ni mihupulo yaka ya minyaka ni nako ya kuitabisa, ni sibi se Ni pilile ku sona. Mi Ni bata kuli Kreste abeye sapalo sa Hae kuna, kakusasana cwana, kuli Ni ka itusisa kubo ya Hae. Ni ziba kuli Ki se sinde.” Mulimu aku fuyole, mwana. Yomuñwi hape uli, “Mi Ni ka nanula fela . . .”

¹³¹ Nanula lizoho la hao, uli, “Ni bata cwale kuamuhela Moya o Kenile mwa bupilo bwaka. Ni bata kuba ya apezi za kuluka kwa Hae. Ha Ni ka fita kwani zazi lani, Hanina ku iponahaza ni kubulela kuli, ‘Kihande, cwale, U ziba Ne ni lekezi mutu mashala. Ni ezize sa kuli.’” Zeo ki zende, zeo ki zende luli, kono zeo . . . Sesiñwi ne si na ni kushwa, kuli wena upile, mi konji fela ka kezo ya seo ha mu pilisizwe. Kikuli mu ka nanula lizoho la mina? Muli, “Kreste, Na cwale na itoboha fela nzila yaka. Ni amuhela nzila ya Hao. Ni bata kuli U ni utwele butuku ha Ni taha kwa mafelelezo a nzila?” Ku lukile. Mulimu aku fuyole, kalibe. Mulimu aku fuyole. Ku lukile.

Cwale lu ka ba ni tapelo.

¹³² Cwale, Ndate ya lukile, yakwa Lihalimu, amañwi a sebene, a eiti, mazoho a lishumi a nanuhile. Ha ni zibi buino bwa bona. Wena uziba lika kamukana ka bona. Na ha ni zibi. Kono ba tokwile kacenu. Mi ba lemuha kuli ba tokwile, mi ba itakaleza kutaha ni kuamuhela tuso mwa nako ya butata; ka kubona kuli, hola yetuna ye li bukaufi cwale, lindalamiti za atomic, lika zetuna ze lu libelezi.

¹³³ Mi Na lapela, Ndate yakwa Lihalimu, kuli U fuyole sicaba se, mi kacenu beya lizoho la Hao fahalimwa bona ni kuzwisa bumaswe bwa bona kaufela ni kukakanya. Mi ha ba yumbele kwahule siapalo sabona sa kale se si cilwe ki mafele mi sa kuluka kwa kuipangela, se si cilwe ki limbimba ni lisende, ni mafele a kuikupulela fela ni bukeleke fela, kona bobu cile kupunya masuba mwateni, mi (zeo) halina kuinelela nako yetelele. Ha ba li yumbele fela kwahule, mi ba sutelele ni kuswala kubo ya Mulena Jesu. Kuli, “Na sepa ku Yena. Na itateza, isiñi ka kuluka kwaka, kamba ka mihupulo yaka. Kono, kuzwa hola ye kuya kwapili, Na i sepela Wena.” Lumeleza kuli ba li amuhele, Ndate, kakuli lu kupa ka Libizo la Kreste. Amen.



SIAPALO SA BUBELI SESIFILWE LOZ56-1125M
(A Secondhanded Robe)

Liñusa le ka Muzwale William Marrion Branham, neli kutalizwe lwa pili mwa Sikuwa Lasunda kakusasana, Njimwana 25, 1956, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org